

# Banjir kilat berjaya ditangani

Kerajaan negeri jalankan pelbagai projek naik taraf untuk selesaikan masalah di Selayang

NORAFIZA JAAFAR

**SELYANG** - Isu banjir kilat yang melanda beberapa kawasan Selayang khususnya bagi Dun Taman Templer dan Batu Caves semakin berkurangan melalui beberapa projek yang dijalankan kebelakangan ini.

Projek termasuk naik taraf kolam takungan Jalan 27 Selayang Baru dan aliran hilir Anak Sungai Udang bagi mengatasi permasalahan tersebut yang dihadapi penduduk bertahun lamanya.

"Meskipun tidak selesai sepenuhnya, namun peruntukan yang dikhaskan bagi masalah banjir itu adalah ikhtiar kami," kata Exco Infrastruktur dan Kemudahan Awam, Pemodenan Pertanian dan Industri Asas Tani, Zaidy Abdul Talib.

Beliau yang juga Adun Taman Templer berkata, bagi projek kolam takungan di Jalan 27 ia siap sepenuhnya pada 2014 dan mengurangkan masalah banjir di lokasi hotspot dari Selayang Baru sehingga Selayang Indah dan Pasar Borong.

"Projek tersebut adalah kesinambungan projek naik taraf yang dijalankan pada 2009. Banjir disebabkan saluran sempit dan halangan termasuk struktur konkrit yang menyebabkan gangguan air mengalir memberikan masalah terutamanya ketika hujan lebat.

"Kebarangkalian untuk banjir kilat bagi kawasan tersebut tidak sekerap dulu dan menyelesaikan 80 peratus banjir di kawasan terjejas de-



Zaidy menebang pokok yang tumbang akibat angin kuat.

ngan siapnya projek bernilai RM227,000 dengan keluasan kolam 0.18 ekar," katanya kepada Sinar Harian.

## Tebatan Banjir - Anak Sungai Udang kini ke fasa kedua

Siapnya projek naik taraf saluran Anak Sungai Udang berhampiran Auto City Disember tahun lalu bukanlah pengakhirannya projek tebatan banjir bagi kawasan itu.

Sebaliknya Zaidy berkata, fasa kedua bagi meneruskan kerja naik taraf itu kini sedang dalam tindakan dan reka bentuk naik taraf di Jalan 62 Selayang Sejati dan Sungai Udang Jalan Sungai Tua dalam proses menunggu giliran.

"Jika fasa pertama menumpukan kawasan hilir, fasa berikutnya pula adalah sambungan pada aliran sama pada bahagian atas bagi memastikan aliran tersebut sempurna seterusnya menyelesaikan isu banjir se-

penuhnya sepanjang laluan Selayang Mutiara, Kampung Mahkota, Selayang Sejati dan sekitarnya.

Menurutnya, fasa kedua itu melan kos RM6 juta dan kini sedang menunggu peruntukan di bawah Caruman Parit, sebelum proses bukaan tender dan lantikan kontraktor dibuat.

Katanya, langkah penyelesaian masalah banjir dibuat secara berperingkat termasuk penyelenggaraan berterusan tujuh kolam takungan yang berada dalam kawasan Selayang.

## Bersama menjaga kebersihan saluran, sungai

Zaidy berharap, usaha kerajaan negeri melalui peneutralan peruntukan penyelenggaraan ini dihargai melalui penglibatan dan kesedaran orang awam khususnya penduduk sekitar dalam menjaga kebersihan saluran.

"Banyak lambakan sampah termasuk rangka motosikal, polisterina dan botol plastik ditemui di perangkap sampah anak Sungai Udang Auto City dan kolam takungan di Jalan 27.

"Elakkan pembuangan sampah terus ke dalam saluran bagi mengelakkannya tersumbat, yang akhirnya hanya memudaratkan penduduk setempat," katanya.

Dalam perkembangan lain katanya, beliau berharap juga pihak berkuasa tempatan dan agensi berkaitan membuat pemantauan dan penguatkuasaan bagi kepentingan semua pihak.

"Ia termasuk rizab yang



Zaidy (kanan) melihat botol plastik antara sampah yang paling banyak dibuang dalam longkang menyebabkan sistem saluran tersumbat.

digunakan untuk pembangunan dan tambahan struktur yang menyukarkan

kerja penyelenggaraan disebabkan halangan dan jalan sempit," katanya.

Pusat Khidmat Masyarakat (PKM) Dun Taman Templer menggalakkan penglibatan semua komuniti dalam aktiviti kemasyarakatan terutama bagi program gotong-royong perdana.

"Datang PKM atau hantar surat....Kita sedia jadi urusetia dengan memanggil semua agensi berkaitan untuk turut serta bagi menggalakkan aktiviti tersebut dan menjadikan persekitaran bersih dan bebas penyakit.

"Ia juga meningkatkan lagi kesedaran dan penglibatan semua komuniti dalam menjaga persekitaran masing-masing," katanya.

Dengan Kerjasama:

## Melahirkan profesional sains kesihatan yang kompeten

SEGi, pilihan pertama anda:

- Kami mempunyai lebih 100 rangkaian pusat penempatan yang berbeza di seluruh Malaysia untuk graduan Kesihatan Persekitaran.
- 93% graduan Keselamatan & Kesihatan Pekerjaan telah mendapat pekerjaan dalam masa 6 bulan selepas menamatkan pengajian.
- Graduan Teknologi Makmal Perubatan kami mendapat permintaan tinggi daripada hospital swasta ternama.

### SAINS KESIHATAN BERSEKUTU

- Amalan Profesional Kejururawatan
- Bioperubatan
- Kejururawatan
- Keselamatan Dan Kesihatan Pekerjaan
- Kesihatan Persekitaran
- Pengurusan Penjagaan Kesihatan
- Teknologi Makmal Perubatan

Tahap Pengajian: Sarjana Muda | Diploma

Hubungi kami sekarang untuk sesi lawatan eksklusif

<b>Universiti SEGi</b> Kota Damansara DU031-B ☎ 603 6145 1777 ☎ 011 1210 6389 ☎ 1800 88 7344	<b>Kolej SEGi</b> Kuala Lumpur WAF0115 ☎ 603 2070 2078 ☎ 016 211 8653 ☎ 1800 88 8028	<b>Kolej SEGi</b> Subang Jaya DK25004(B) ☎ 603 8600 1888 ☎ 016 212 9154 ☎ 1800 88 8622	<b>Kolej SEGi</b> Pulau Pinang 187620W ☎ 604 263 3888 ☎ 017 320 3038	<b>Kolej SEGi</b> Sarawak IPTS/SV1031/42/08 ☎ 6082 252 566 ☎ 017 859 2566 ☎ 1300 88 7344
-------------------------------------------------------------------------------------------------------------	-----------------------------------------------------------------------------------------------------	-------------------------------------------------------------------------------------------------------	----------------------------------------------------------------------------------	---------------------------------------------------------------------------------------------------------

Menawarkan **BIASISWA** bernilai lebih dari **RM 100 JUTA** sejak 1977

**>>> DAFTAR SEGERA**

The best in you, made **POSSIBLE**



Zaidy sentiasa turun padang melihat masalah di kawasan.